



Na osnovu Odluke Upravnog odbora o objavljivanju Javnog poziva za dodjelu sredstava za finansiranje i sufinansiranje programa i projekata za razvoj profesionalne rehabilitacije i zapošljavanja osoba sa invaliditetom u 2015. godini broj: 01-05-5-4871/15 od 13.10.2015. godine, i u skladu sa odredbama Zakona o profesionalnoj rehabilitaciji, osposobljavanju i zapošljavanju osoba sa invaliditetom („Sl. Novine FBiH“ 9/10), (daljnjem tekstu: Zakon), Pravilnikom o raspoređivanju i raspodjeli sredstava za finansiranje/sufinansiranje programa i projekata održivosti zaposlenosti, razvoja privrednih društava za zapošljavanje osoba sa invaliditetom i profesionalne rehabilitacije osoba s invaliditetom Broj: 01-02-2-2031/15 od 26.05.2015. godine, Pravilnikom o izmjenama i dopunama pravilnika o raspoređivanju i raspodjeli sredstava za finansiranje/sufinansiranje programa i projekata održivosti zaposlenosti, razvoja privrednih društava za zapošljavanje osoba sa invaliditetom i profesionalne rehabilitacije osoba s invaliditetom Broj: 01-02-2-4974/15 od 20.10.2015. godine, a u cilju unaprijeđivanja profesionalne rehabilitacije i zapošljavanja osoba sa invaliditetom u Federaciji Bosne i Hercegovine, Fond za profesionalnu rehabilitaciju i zapošljavanje osoba sa invaliditetom objavljuje:

JAVNI POZIV

za dodjelu sredstava za finansiranje i sufinansiranje programa i projekata za razvoj profesionalne rehabilitacije i zapošljavanja osoba sa invaliditetom u 2015. godini

I PREDMET JAVNOG POZIVA

- (1) Predmet ovog Javnog poziva je izbor programa i projekata profesionalne rehabilitacije i zapošljavanja osoba sa invaliditetom u Federaciji Bosne i Hercegovine koji će sudjelovati u raspodjeli sredstava Fonda za profesionalnu rehabilitaciju i zapošljavanje osoba sa invaliditetom za finansiranje/sufinansiranje u 2015. godini.
- (2) Ukupan iznos sredstava koji će se dodjeliti po ovom javnom pozivu je **2.115.000,00 KM**, raspoređenih u tri lota prema oblastima na koju se programi/projekti odnose, tj. shodno projektnim ciljevima i aktivnostima, te potrebama korisnika Fonda, kako slijedi:
 - a) **Lot za finansiranje/sufinansiranje programa/projekata za razvoj privrednih društava za zapošljavanje osoba s invaliditetom i zaštitnih radionica, što podrazumjeva i novo upošljavanje osoba s invaliditetom (Lot II) – 1.365.000,00 KM;**
 - b) **Lot za finansiranje/sufinansiranje programa/projekata profesionalne rehabilitacije nezaposlenih osoba sa invaliditetom (Lot III) – 300.000,00 KM;**
 - c) **Lot za finansiranje/sufinansiranje programa/projekata održivosti nivoa zaposlenosti osoba sa invaliditetom koje obavljaju samostalnu djelatnost kao jedino i glavno zanimanje, uključujući i osobe sa invaliditetom koje su zaposlene u skladu sa članom 56. stav 2. i 3. Zakona (Lot IV) – 450.000,00 KM.**

II ZAHTJEVI, USLOVI I PRAVO SUDJELOVANJA

Potrebno je da podneseni programi i projekti prema oblastima i grupama, kao i njihovi nosioci ispunjavaju određene zahtjeve i uslove za sudjelovanje u raspodjeli sredstava Fonda u okviru svakog lota, kako slijedi:

(I) Za sredstva iz Lota II za razvoj privrednih društava i zaštitnih radionica:

Programi/projekti koji se finansiraju/sufinansiraju iz ovog Lota mogu se odnositi na slijedeće potrebe i aktivnosti u svrhu razvoja poslovanja privrednih društava za zapošljavanje osoba sa invaliditetom i zaštitnih radionica:

- a) Nabavka novih, savremenijih mašina, alata, odnosno osnovnih sredstava za rad, reparacija postojećih ili nabavka funkcionalnih rabljenih mašina, a sve u cilju povećanja obima postojeće i uvođenja nove djelatnosti, što se iskazuje kroz razvoj poslovanja;
- b) Nabavka specijalnih pomagala i opreme i prilagođavanje radnog prostora potrebama osoba sa invaliditetom;
- c) Potrebno dodatno radno osposobljavanje zaposlenih osoba sa invaliditetom koje se organizuje u privrednom društvu;
- d) Dokvalifikacija ili prekvalifikacija zaposlenih osoba sa invaliditetom izričito u odgovarajućim obrazovnim ustanovama, shodno potrebama razvoja.

Uslovi za dodjelu sredstava za finansiranje/sufinansiranje programa/projekata iz ove oblasti su:

- a) Da privredno društvo, odnosno zaštitna radionica kroz njihovu implementaciju vlastitim sredstvima zapošljava jednu ili više nezaposlenih osoba sa invaliditetom na neodređeno vrijeme;
- b) Da privredno društvo i zaštitna radionica nema iskazan gubitak u predhodnoj godini i da dokaže da ima potrebne uslove, tehničke, kadrovske i druge mogućnosti za implementaciju programa/projekta razvoja;
- c) Da privredno društvo ima status privrednog društva za zapošljavanje osoba sa invaliditetom odnosno zaštitne radionice i da nema neisplaćenih plata prema svim zaposlenim;
- d) Da iskazane potrebe i aktivnosti za koje se programom/projektom traži finansijska podrška budu na odgovarajući način pojašnjene i obrazložene, specificirane u finansijskom planu i potkrijepljene odgovarajućim ponudama-predračunima, biznis planom i drugim relevantnim dokazima u prilogu, u protivnom sredstva neće biti odobrena za tražene namjene.

Privredna društva za zapošljavanje osoba sa invaliditetom i zaštitne radionice mogu sudjelovati samo sa po jednim programom/projektom za raspodjelu sredstava iz ovog lota.

Maksimalan iznos koji se može dodijeliti po jednom programu/projektu iz ovog Lota je **50.000,00 KM**.

Iz raspodjele sredstava iz ovog lota po ovom javnom pozivu će biti isključena privredna društva za zapošljavanje osoba sa invaliditetom i zaštitne radionice koji nisu podnijeli Fondu odgovarajući izvještaj i opravdali namjenski utrošak dobijenih sredstava po predhodnim javnim pozivima.

Privredna društva za zapošljavanje osoba sa invaliditetom, zaštitne radionice, koji ne podnesu Fondu finansijsko izvješće o приходima i rashodima sredstava posebne namjene (Član 55. Zakona o profesionalnoj rehabilitaciji i zapošljavanju osoba sa invaliditetom), iz prethodne godine, najkasnije uz samu aplikaciju za program/ projekat, bit će isključeni iz raspodjele po apliciranom javnom pozivu.

(2) Za sredstva Lota III za finansiranje/sufinansiranje programa i projekata profesionalne rehabilitacije nezaposlenih osoba sa invaliditetom:

Programi i projekti koji se finansiraju/sufinansiraju iz ovog Lota mogu se odnositi na slijedeće mjere i aktivnosti profesionalne rehabilitacije nezaposlenih osoba sa invaliditetom, a za svaku od njih utvrđuje se i subjekt koji ih može provoditi u skladu sa Zakonom i Pravilnikom o raspoređivanju i raspodjeli sredstava za finansiranje/sufinansiranje programa i projekata održivosti zaposlenosti, razvoja privrednih društava za zapošljavanje osoba sa invaliditetom i profesionalne rehabilitacije osoba s invaliditetom (u daljem tekstu - Pravilnik).

2.1. Programi/projekti koje provode privredna društva, zaštitne radionice i druga pravna lica prema Zakonu mogu obuhvatiti slijedeće mjere i aktivnosti profesionalne rehabilitacije:

- a) Analiza mogućnosti radnog angažovanja, zapošljavanja i uključivanja u rad nezaposlenih osoba sa invaliditetom, korisnika programa/projekta;
- b) Praktično radno osposobljavanje na određenim poslovima u cilju održavanja i usavršavanja radnih sposobnosti, pri čemu polaznik odnosno korisnik programa/projekta mora imati status zaposlenika, za vrijeme implementacije istog;
- c) Izrada plana i nabavka potrebne opreme i sredstava za rad i repromaterijala za praktično radno osposobljavanje;

Prilikom planiranja finansijskih troškova u okviru programa/projekta privredna društva za zapošljavanje osoba sa invaliditetom nosioci programa/projekata mogu obuhvatiti slijedeće potrebe:

- a) Troškovi nabavke specijalnih pomagala i opreme, te materijala i sirovina za potrebe praktičnog radnog osposobljavanja korisnika;
- b) Naknada za voditelja programa/projekta i rehabilitatore, koji provode radno osposobljavanje i po potrebi pružaju asistenciju u radu korisnicima projekta mogu ukupno da iznose najviše do 5% od ukupne vrijednosti projekta;
- c) Sufinansiranje neto plate za korisnike programa/projekta koje imaju status zaposlenika u visini od 30% od prosječne plate isplaćene u FBiH prema podacima Federalnog Zavoda za statistiku za mjesec prije objavljivanja javnog poziva.

2.2. Programi/projekti koje provode ustanove za profesionalnu rehabilitaciju, srednje škole i druge obrazovne ustanove mogu obuhvatiti slijedeće mjere i aktivnosti profesionalne rehabilitacije:

- a) Utvrđivanje preostalih radnih i općih sposobnosti korisnika programa/projekta,
- b) Profesionalno informiranje, savjetovanje i procjena profesionalnih mogućnosti korisnika programa/projekta;
- c) Procjena mogućnosti izvođenja programa profesionalnog osposobljavanja;
- d) Dokvalifikacija i prekvalifikacija osoba sa invaliditetom;
- e) Informiranje, savjetovanje o pomoćnoj tehnologiji u učenju i radu, te osposobljavanje za njeno korištenje;
- f) Pripremanje i stručna pomoć pri osposobljavanju i obrazovanju;
- g) Tehnička pomoć, podrška, praćenje i procjena rezultata u primjeni ovih mjera i aktivnosti.

Prilikom planiranja finansijskih troškova u okviru programa/projekta ustanove za profesionalnu rehabilitaciju, srednje škole i druge obrazovne ustanove kao nosioci programa/projekata mogu obuhvatiti slijedeće potrebe:

- a) Uplata školarine za školsku godinu (vanredno školovanje) ukoliko su polaznici korisnici programa projekta obavezni snositi istu (troškovi specificirani u finansijskom planu i potkrijepljeni odgovarajućim predračunima);
- b) Nabavka pomagala i opreme neophodnih korisnicima u učenju i radu;
- c) Sufinansiranje ishrane i prevoza korisnika programa/projekta ukoliko ne stanuju u mjestu u kojem se provodi profesionalna rehabilitacija za dane koje će provesti u ustanovi. Troškovi ishrane mogu iznositi maksimalno 1% prosječne mjesečne neto plaće FBiH po danu. Troškovi prevoza moraju biti specificirani u finansijskom planu u skladu sa stvarnim potrebama korisnika.

Uslovi za dodjelu sredstava za finansiranje/sufinansiranje programa/projekata iz tačke 2.1. i 2.2. ovog poglavlja su:

- a) Da se obezbjedi pismeno priznavanje prava na profesionalnu rehabilitaciju od strane kantonalne službe za zapošljavanje, mjerodavne prema mjestu prebivališta osobe sa invaliditetom koja u prvom stupnju odlučuje o ovom pravu. (Prema Članu 12. Zakona o profesionalnoj rehabilitaciji, osposobljavanju i zapošljavanju osoba sa invaliditetom);
- b) Da pravno lice ispunjava sve zakonske uslove i da ima neophodne materijalne, prostorne i kadrovske kapacitete za realizaciju programa/projekta.
- c) Da subjekti iz tačke 2.1. Programi/projekti koje provode privredna društva, zaštitne radionice i druga pravna lica prema Zakonu, izvrše zapošljavanje najmanje 1 osobe sa invaliditetom na period od najmanje 12 mjeseci, koja je bila obuhvaćena programom/projektom profesionalne rehabilitacije, a bez

dodatne podrške Fonda;

- d) Da iskazane potrebe i aktivnosti za koje se programom/projektom traži finansijska podrška budu na odgovarajući način pojašnjene i obrazložene, specificirane u finansijskom planu i potkrijepljene odgovarajućim ponudama-predračunima i drugim relevantnim dokazima u prilogu;
- e) Da se dostavi detaljan program profesionalne rehabilitacije koji će proći osoba/e sa invaliditetom.

Maksimalan iznos koji se može dodjeliti za finansiranje/sufinansiranje jednog programa/projekta u ovoj oblasti je **50.000,00 KM**.

Iz raspodjele sredstava iz ovog lota po javnom pozivu će biti subjekti koji nisu podnijeli Fondu odgovarajući izvještaj i opravdali namjenski utrošak dobijenih sredstava po prethodnim javnim pozivima.

Privredna društva za zapošljavanje osoba sa invaliditetom, zaštitne radionice, ustanove za profesionalnu rehabilitaciju osoba sa invaliditetom koji ne podnesu Fondu finansijsko izvješće o prihodima i rashodima sredstava posebne namjene (Član 55. Zakona o profesionalnoj rehabilitaciji i zapošljavanju osoba sa invaliditetom), iz predhodne godine, najkasnije uz samu aplikaciju za program/ projekat, bit će isključeni iz raspodjele po apliciranom javnom pozivu.

2.3. Programi i projekti profesionalne rehabilitacije za koje osobe sa invaliditetom mogu same aplicirati u dijelu prekvalifikacije i dokvalifikacije kroz vanredno srednje školovanje:

Uslovi za dodijelu sredstava su:

- a) Da osoba ima 60 % i više invaliditeta;
- b) Da osoba s invaliditetom prolazi kroz program vanrednog školovanja;
- c) Da se obezbjedi pismeno priznavanje prava na profesionalnu rehabilitaciju od strane kantonalne službe za zapošljavanje, mjerodavne prema mjestu prebivališta osobe s invaliditetom koja u prvom stupnju odlučuje o ovom pravu. (Prema Članu 12. Zakona o profesionalnoj rehabilitaciji, osposobljavanju i zapošljavanju osoba sa invaliditetom);
- d) Da iskazane potrebe i aktivnosti za koje se programom/projektom traži finansijska podrška budu na odgovarajući način pojašnjene i obrazložene, specificirane u finansijskom planu i potkrijepljene odgovarajućim ponudama-predračunima i drugim relevantnim dokazima u prilogu (npr. predračun za školarinu za vandredno školovanje).

Finansijski troškovi u okviru programa/projekata profesionalne rehabilitacije na koje osobe s invaliditetom same apliciraju kao nosioci programa/projekata mogu obuhvatiti slijedeće potrebe:

- a) Uplata školarine za školsku godinu (vanredno školovanje) ukoliko su polaznici korisnici programa projekta obavezni snositi istu (troškovi specificirani u finansijskom planu i potkrijepljeni odgovarajućim predračunima);
- b) Nabavka pomagala i opreme neophodnih osobi s invaliditetom u učenju i radu;
- c) Sufinansiranje ishrane i prevoza osobe s invaliditetom programa/projekta ukoliko ne stanuju u mjestu u kome se provodi profesionalna rehabilitacija. Troškovi ishrane mogu iznositi maksimalno 1% prosječne mjesečne neto plaće FBiH po danu. Troškovi prevoza moraju biti specificirani u finansijskom planu u skladu sa stvarnim potrebama osobe s invaliditetom.

Maksimalan iznos koji se može dodjeliti iz ovog lota jednoj osobi koja je aplicirala za podršku Fonda je **5.000,00 KM**.

(3) Za sredstva Lota IV za finansiranje/sufinansiranje programa i projekta održivosti zaposlenosti osoba koje obavljaju samostalnu djelatnost (Lot IV):

Programi/projekti koji se finansiraju/sufinansiraju iz ovog Lota mogu se odnositi na slijedeće potrebe i aktivnosti čija je svrha održivost zaposlenosti osoba sa invaliditetom koje obavljaju samostalnu djelatnost kao jedino i glavno zanimanje:

- a) Nabavka ili reparacija potrebnih sredstava rada, specijalnih pomagala i opreme;
- b) Poboľšanje uvjeta rada, adaptacija radnog prostora i njihovo prilagođavanje potrebama osoba sa invaliditetom;
- c) Nabavka roba, materijala i sirovina;
- d) Sufinansiranje troškova potrebne asistencije u radu i drugih tekućih troškova poslovanja.

Pravo sudjelovanja sa programom/projektom po ovom Lotu imaju osobe sa invaliditetom koje obavljaju samostalnu djelatnost kao jedino i glavno zanimanje uključujući i osobe sa invaliditetom koje su zaposlene u skladu sa članom 56. stav 2. i 3. Zakona.

Uslovi za dodjelu sredstava za finansiranje/sufinansiranje programa/projekata iz ovog Lota su:

- a) Da korisnik sredstava u momentu objavljivanja Javnog poziva ne ostvaruje pravo na novčani stimulans od Fonda;
- b) Da korisnik sredstava nema neizmirenih obaveza po osnovu javnih prihoda;
- c) Da korisnik sredstava dokaže da egzistira i djeluje uspješno najmanje 12 mjeseci i da ima potrebne uslove, tehničke i druge mogućnosti za implementaciju programa/projekta održivosti zaposlenosti osoba sa invaliditetom.

Maksimalan iznos koji se može dodijeliti po jednom programu/projektu u okviru ovog Lota je **5.000,00 KM**. Iz raspodjele sredstava iz ovog lota po ovom javnom pozivu će biti isključeni oni korisnici koji nisu podnijeli Fondu odgovarajući izvještaj i opravdali namjenski utrošak dobijenih sredstava po prethodnim javnim pozivima.

III Način apliciranja

(1) Aplikanti podnose prijedloge programa/projekta na odgovarajućem aplikacionom obrascu Fonda i to:

- Za sredstva iz Lota II za razvoj privrednih društava za zapošljavanje osoba sa invaliditetom i zaštitnih radionica na aplikacionom obrascu **JPA L-2**;
- Za sredstva iz Lota III za profesionalnu rehabilitaciju nezaposlenih osoba sa invaliditetom, privredna društva i zaštitne radionice koriste obrazac **LPA L-3.1**, ustanove za profesionalnu rehabilitaciju, srednje škole i druge obrazovne ustanove koriste obrazac **JPA L-3.2**, a osobe sa invaliditetom koje samostalno apliciraju obrazac **OSI-JPA L-3.3**;
- Za sredstva iz Lota za održivost zaposlenosti osoba koje obavljaju samostalnu djelatnost, obrazac **SP-JPA L-4**;

Aplikacioni obrazac se može preuzeti:

- a) u prostorijama Fonda za profesionalnu rehabilitaciju i zapošljavanje osoba sa invaliditetom ul. Vilsonovo šetalište br. 10 Sarajevo,
- b) Internet stranica Fonda – www.fprzoi.ba ; www.fond.ba

(2) Uz uredno popunjen aplikacioni obrazac za sredstva iz Lota II za razvoj privrednih društava i zaštitnih radionica aplikanti obavezno dostavljaju u prilogu:

- a) Riješenje o registraciji poslodavca (ovjerena kopija),
- b) Ovjerenu kopiju rješenja o razvrstavanju subjekta prema djelatnosti (statistika);
- c) Ovjerenu kopiju uvjerenja o poreskoj registraciji (identifikacijski broj: ID broj i PDV broj ako je registrovan kao PDV obveznik);
- d) Spisak uposlenih koji su prijavljeni kod podnosioca zahtjeva (PU FBiH) – ne starije od 15 dana; (original);
- e) Bilans stanja i bilans uspjeha za 2014 (ovjerena kopija);

- f) Original uvjerenje o izmirenim/neizmirenim poreskim obavezama po osnovu javnih prihoda nadležnih organa – poreske uprave FBiH i uprave za indirektno oporezivanje, ne starije od 30 dana;
- g) Dokaz o realizaciji predhodnih programa i projekata ako ih je bilo (ovjerena i potpisana lista programa /projekata realiziranih uz podršku Fonda);
- h) Potvrda poslovne banke da podnositelj zahtjeva nema blokiran transakcijski račun (potvrda o solventnosti) – ne starije od 15 dana (original);
- i) Tabelarni prikaz svih osoba s invaliditetom koje su zaposlene u privrednom društvu za zapošljavanje osoba s invaliditetom. Tabela zaposlenih osoba mora sadržavati najmanje: ime i prezime osobe te vrstu i stepen invaliditeta kao i period na koji su nevedene osobe zaposlene kao i naziv radnog mjesta;
- j) Biznis plan koji obavezno sadrži projekciju novog zapošljavanja;
- k) Ovjerena izjava ovlaštene osobe kojom se obavezuje da će u toku implementacije programa/projekta zaposliti jednu ili više nezaposlenih osoba sa invaliditetom na neodređeno vrijeme, koja obavezno sadrži osnovne informacije i to: ime/na i prezime/na, godine starosti, stepen i vrsta invaliditeta, radno mjesto odnosno radna mjesta na koje će se zaposliti, kontakt podaci osobe/osoba – adresa, telefon, e-mail i sl.;
- l) Dokaz za svaku osobu koju se privredno društvo obavezuje zaposliti da je nezaposlena – potvrda da se vodi na evidenciji kod nadležne kantonalne službe za zapošljavanje ili, ukoliko se osoba ne vodi na evidenciji Službe za zapošljavanje potvrda službe PIO/MIO ili Poreske uprave FBiH da se ne vodi kao obveznik uplate poreza i doprinosa. (original);
- m) Dokaz o invaliditetu za osobe koje će biti zaposlene (ovjerena kopija).

(3) Uz uredno popunjen aplikacioni obrazac za sredstva Lota III za finansiranje/sufinansiranje programa i projekata profesionalne rehabilitacije nezaposlenih osoba sa invaliditetom privredna društva i zaštitne radionice, pored dokumentacije iz tačke 2. Ovog poglavlja, obavezno dostavljaju i:

- a) Tabelarni pregled osoba sa invaliditetom, korisnika programa/projekta sa osnovnim podacima: ime i prezime, stepen i vrsta oštećenja, stručna sprema, opis poslova i radnih zadataka za čije se obavljanje osposobljavaju;
- b) Dokaz o invaliditetu osoba korisnika programa/projekta – (ovjerena kopija);
- c) Detaljan program profesionalne rehabilitacije koji će proći osoba/e sa invaliditetom.
- d) Dokaz za svaku osobu (korisnika programa/projekta) da je nezaposlena – potvrda da se vodi na evidenciji kod nadležne kantonalne službe za zapošljavanje ili, ukoliko se osoba ne vodi na evidenciji Službe za zapošljavanje potvrda službe PIO/MIO ili Poreske uprave FBiH da se ne vodi kao obveznik uplate poreza i doprinosa. (original)
- e) Pismeno priznavanje prava na profesionalnu rehabilitaciju od strane kantonalne službe za zapošljavanje, mjerodavne prema mjestu prebivališta osobe sa invaliditetom koja u prvom stupnju odlučuje o ovom pravu. (Prema Članu 12. Zakona o profesionalnoj rehabilitaciji, osposobljavanju i zapošljavanju osoba sa invaliditetom); (original)

(4) Uz uredno popunjen aplikacioni obrazac za sredstva Lota III za finansiranje/sufinansiranje programa/projekta koje provode ustanove za profesionalnu rehabilitaciju, srednje škole i druge obrazovne ustanove Ustanove za profesionalnu rehabilitaciju, srednje škole i druge obrazovne ustanove obavezno dostaviti:

- a) Riješenje o registraciji (ovjerena kopija),
- b) Ovjerenu kopiju rješenja o razvrstavanju subjekta prema djelatnosti (statistika);
- c) Ovjerenu kopiju uvjerenja o poreskoj registraciji (identifikacijski broj: ID broj)
- d) Original spisak uposlenih koji su prijavljeni kod podnosioca zahtjeva (PU FBiH) – ne starije od 15 dana;
- e) Bilans stanja i bilans uspjeha za 2014 (ovjerena kopija);
- f) Original uvjerenje o izmirenim/neizmirenim obavezama po osnovu javnih prihoda nadležnih organa – poreske uprave FBiH, ne starije od 30 dana.
- g) Dokaz o realizaciji predhodnih programa i projekata ako ih je bilo (ovjerena i potpisana lista programa /projekata realiziranih uz podršku Fonda);

- h) Akt nadležnog kantonalnog organa kojim se potvrđuje da ustanova za profesionalnu rehabilitaciju ispunjava uslove za osnivanje i rad ustanove za profesionalnu rehabilitaciju;
- i) Potvrda poslovne banke da podnosilac zahtjeva nema blokiran transakcijski račun (potvrda o solventnosti) – ne starije od 15 dana
- j) Tabela pregled osoba sa invaliditetom, korisnika programa/projekta sa osnovnim podacima: ime i prezime, stepen i vrsta oštećenja, stručna sprema, zanimanje i kratak opis poslova i radnih zadataka za čije se obavljanje osposobljavaju;
- k) Dokaz o invaliditetu osoba korisnika programa/projekta – (ovjerena kopija);
- l) Detaljan program profesionalne rehabilitacije koji će proći osoba/e sa invaliditetom
- m) Dokaz za svaku osobu (korisnika programa/projekta) da je nezaposlena – potvrda da se vodi na evidenciji kod nadležne kantonalne službe za zapošljavanje ili, ukoliko se osoba ne vodi na evidenciji Službe za zapošljavanje potvrda službe PIO/MIO ili Poreske uprave FBiH da se ne vodi kao obveznik uplate poreza i doprinosa. (original)
- n) Pismeno priznavanje prava na profesionalnu rehabilitaciju od strane kantonalne službe za zapošljavanje, mjerodavne prema mjestu prebivališta osobe sa invaliditetom koja u prvom stupnju odlučuje o ovom pravu. (Prema Članu 12. Zakona o profesionalnoj rehabilitaciji, osposobljavanju i zapošljavanju osoba sa invaliditetom); (original)

(5) Uz uredno popunjen aplikacioni obrazac za sredstva Lota III za finasiranje/sufinasiranje programa/projekta na koje osobe sa invaliditetom samostalno apliciraju, obavezno dostavljaju:

- a) Rodni list (ovjerena kopija);
- b) Potvrda o prebivalištu (original);
- c) Dokaz o ranijem školovanju (ovjerena kopija);
- d) Dokaz o invalidnosti tj. ovjerenu kopiju rješenja ili nalaz ocjena i mišljenje Instituta za medicinsko vještačenje kojim se utvrđuje stepen i vrsta invaliditeta.
- e) Predračun za školarinu za vandredno školovanje (original);
- f) Potvrda škole da će u tekućoj godini organizovati prekvalifikaciju/dokvalifikaciju iz područja za koji aplicira;
- g) Dokaz za osobu sa invaliditetom (korisnika programa/projekta) da je nezaposlena – potvrda da se vodi na evidenciji kod nadležne kantonalne službe za zapošljavanje ili, ukoliko se osoba ne vodi na evidenciji Službe za zapošljavanje potvrda službe PIO/MIO ili Poreske uprave FBiH da se ne vodi kao obveznik uplate poreza i doprinosa. (original)
- h) Pismeno priznavanje prava na profesionalnu rehabilitaciju od strane kantonalne službe za zapošljavanje, mjerodavne prema mjestu prebivališta osobe sa invaliditetom koja u prvom stupnju odlučuje o ovom pravu. (Prema Članu 12. Zakona o profesionalnoj rehabilitaciji, osposobljavanju i zapošljavanju osoba sa invaliditetom); (original)

(6) Uz uredno popunjen aplikacioni obrazac za sredstva Lota IV za finasiranje/sufinasiranje programa/projekta za održivost zaposlenosti osoba sa invaliditetom koje obavljaju samostalnu djelatnost, podnosilac obavezno prilaže:

- a) Rješenje o registraciji odgovarajućeg oblika obavljanja samostalne djelatnosti (ovjerena kopija)
- b) Ovjerenu kopiju rješenja o razvrstavanju subjekta prema djelatnosti (statistika);
- c) Ovjerenu kopiju uvjerenja o poreskoj registraciji (identifikacijski broj: ID broj i PDV broj ako je registrovan kao PDV obveznik);
- d) Spisak (original) uposlenih koji su prijavljeni kod podnosioca zahtjeva (PU FBiH) – ne starije od 15 dana;
- e) Za samostalne poduzetnike koji plaćaju porez na dohodak na osnovu poslovnih knjiga ovjerenu kopiju Obrasca SPR 1053 za 2014. godinu (ovjerena kopija), a za samostalne poduzetnike koji plaćaju porez na dohodak u paušalnom iznosu vlastitu izjavu kojom se potvrđuje plaćanje poreza na dohodak u paušalnom iznosu;

- n) Original uvjerenje o izmirenim/neizmirenim poreskim obavezama po osnovu javnih prihoda nadležnih organa – poreske uprave FBiH i uprave za indirektno oporezivanje, ne starije od 30 dana, a Ukoliko podnositelj zahtjeva nije registrovan kao obveznik indirektnih poreza tada dostavlja vlastitu Izjavu da nije registrovani obveznik indirektnih poreza;
- f) Potvrda poslovne banke da podnositelj zahtjeva nema blokiran transakcijski račun (potvrda o solventnosti) – ne starije od 15 dana (original);

IV OSTALE POTREBNE INFORMACIJE

- (1) Subjekti mogu sudjelovati samo sa jednim programom/projektom za raspodjelu sredstva iz svakog lota po ovom javnom pozivu.
 - (2) Iznos sredstava za svaki program/projekat, određuje se vrednovanjem programa/projekata prema kriterijima i mjerilima iz člana 12., 13. i 14. Pravilnika u okviru raspoloživih sredstava za svaki lot.
 - (3) Odluku o raspodjeli sredstava po korisnicima donijet će Upravni odbor Fonda na osnovu prijedloga stručne komisije za vrijednovanje programa/projekata, najkasnije u roku od 30 dana od dana zaključivanja javnog poziva.
 - (4) Nakon provedene procedure vrednovanja programa/projekata, izabrani podnosioci zahtjeva će sa Fondom za profesionalnu rehabilitaciju i zapošljavanje osoba sa invaliditetom zaključiti Ugovor.
 - (5) Kao oblik jamstva za izvršenje obaveza od strane korisnika sredstava odnosno kao instrument osiguranja namjenskog utroška sredstava dodjeljenih za finansiranje/sufinansiranje programa/projekta, koristit će se **avalirana mjenica**.
 - (6) Korisnici sredstava, kojima su dodijeljena sredstva po ovom javnom pozivu, dužni su dostaviti Fondu izvještaj o utrošku istih u roku od 30 dana od dana naznačenog za završetak implementacije programa/projekta, a najkasnije **do 30.06. 2016. godine**.
 - (7) Prenamjena sredstava u okviru odobrenih sredstava za program/projekat nije dozvoljena. Ukoliko korisnik nije u mogućnosti ispuniti određene namjene programa/projekata odobrene od strane Upravnog odbora dužan je taj dio sredstava vratiti Fondu.
 - (8) Korisnici sredstava iz stava 1. ove tačke koji ne podnesu izvještaj o utrošku sredstava, ili dodijeljena sredstva utroše suprotno propisanim kriterijima i namjenama, bit će isključeni iz raspodjele sredstava za narednih 5 godina.
 - (9) Korisnik sredstava, dužan je Fondu nadoknaditi štetu ako je:
 - a) sredstva Fonda ostvario na osnovu neistinitih ili netačnih podataka ili na drugi protupravni način;
 - b) sredstva Fonda koristio suprotno namjeni zbog koje su mu odobrena.
 - (10) Korisnik sredstava Fonda dužan je Fondu vratiti sredstva stečena bez zakonske osnove.
 - (11) Korisnik sredstava koji ne postupi u skladu sa odredbama Zakona, podliježe sankcijama po članu 67. Zakona o profesionalnoj rehabilitaciji, osposobljavanju i zapošljavanju osoba sa invaliditetom.
 - (12) Aplikacioni obrazac se može preuzeti:
 - c) u prostorijama Fonda za profesionalnu rehabilitaciju i zapošljavanje osoba sa invaliditetom ul. Vilsonovo šetalište br. 10 Sarajevo,
 - d) web stranica Fonda – www.fprzoi.ba ; www.fond.ba
 - (13) Popunjen aplikacioni obrazac sa ostalom dokumentacijom potrebno je dostaviti u zatvorenoj koverti lično ili putem pošte na adresu:
Fond za profesionalnu rehabilitaciju i zapošljavanje osoba sa invaliditetom
Vilsonovo šetalište br 10
71000 Sarajevo BiH
sa naznakom „Javni poziv 2015. – finansiranje/sufinansiranje programa/projekata – NE OTVARATI“
 - (14) Javni poziv ostaje otvoren **20 dana** od dana objavljivanja a zaključno sa **10. 11. 2015.godine**.
 - (15) Ovaj javni poziv se objavljuje u dnevnim listovima Dnevni avaz, Dnevni list, Oslobođenje kao i na web stranici Fonda za profesionalnu rehabilitaciju i zapošljavanje osoba sa invaliditetom – www.fprzoi.ba; www.fond.ba
 - (16) Nepotpuni i neblagovremeni zahtjevi neće se uzeti u razmatranje.
 - (17) Dodatne informacije vezano za ovaj javni poziv mogu se dobiti:
 - a) u sjedištu Fonda za profesionalnu rehabilitaciju i zapošljavanje osoba sa invaliditetom;
 - b) putem telefona + 387 33 717 740
 - c) kontaktirajući nas putem e-maila: nejra.sabic@fond.ba
- Datum objave: 22.10.2015. godine.